

第十通第五種

續通志

第一冊

商務印書館發行

第十通第五種

續通志

第一冊

清高宗敕撰

萬有文庫

第二集

純綢集者

王雲五

商務印書館發行

欽定續通志凡例二十則

一通志本做史記之例而成書故有本紀有列傳有譜以當表有略以當志其二十略敘事皆至唐而止紀傳及譜則訖於隋自序謂唐書五代史皆本朝大臣所修微臣所不敢議也今續纂紀傳應自唐始略則自五代至明史紀傳則成於

本朝我

皇上以大公至正之心彰善癉惡筆削雖嚴具有全書

垂訓萬世無庸更為節錄

一本紀列傳通志多全錄舊史之文唐宋而下卷帙浩繁今所續纂務在勿尤勿漏其事之無關法戒人之無足重輕者槩從芟汰至正史而外若資治通鑑若綱目若紀事本末及傳紀文集碑版間有可補正史之闕而糾正其謬者仍廣為搜羅依類增輯並做司馬光通鑑攷異之例將攷正異同分注本條下以資參攷

一金史於本紀之前有世紀所以溯祖宗積累之功明一王受命之始然開基大略未有不詳於本紀者今采附帝紀其世紀補所列追尊三宗照元史改入宗室傳以符鄭志體例若遼史所載西遼餘澤未泯猶存一綫未可遽付湮沒謹附錄本紀之後

一列傳名目各史不同班馬以后妃為外戚范蔚宗則為皇后紀通志皆不從而從三國晉史之例別為后妃傳其他外戚傳金史曰世戚孝友

傳宋史曰孝義獨行傳唐宋遼史皆曰卓行循吏傳遼史曰能吏舊唐書元史皆曰良吏藝術傳諸史皆曰方技儒林傳唐書元史皆曰儒學文苑傳唐書金史皆曰文藝遼史曰文學又元史儒學傳合儒林文苑為一皆名異而實同今悉依通志之名以昭畫一

一列傳次第各史互異唐書列外戚於列女之後列隱逸於循吏之前宋史列方技於列女之後列外戚於方技之後今依鄭氏原書之序首宗室次列傳次外戚次忠義孝友獨行循吏酷吏次孔氏後裔次儒林文苑隱逸次宦者藝術佞倖次列女次載記次貳臣姦臣叛臣逆臣次四夷

一列傳各史中分併互異如五代史家人傳今析入后妃宗室傳死節死事今併入忠義傳伶官併入佞倖一行傳析入隱逸孝友宋史道學傳併入儒林元史儒學傳析入儒林文苑元史釋老傳併入藝術唐書宋史公主傳附綴后妃均依鄭志門類以從其朔

一皇太子皇子諸王例入宗室傳其追尊帝號者舊史俱不為區別魏收以景穆入帝紀後人譏之鄭志統列宗室體例較嚴但其門有史分而志合者有史闕而志補者有史繫之列傳而志入宗室者自唐而下互有異同今悉依例彙輯於以傳繫事之中仍不失以表系世之意

一通志所載名目凡諸史不立此傳者皆從列傳采取以類相從如史記不立隱逸傳則采伯夷

四皓諸人補之三國志不立忠義傳則取典章諸人入之史記無方技之名而以司馬季主扁鵲倉公傳移入藝術後漢書無孝友之名而以毛義江革諸人移入孝友是也今續通志即循此例如元史之伯勒格台六人入宗室傳托音色辰等三人補外戚傳宋史之周三臣入忠義五代史之馬重績趙延義入藝術唐之張昌宗張易之入佞倖均依類改輯其有本無專傳而無可補入者仍從其闕

一鄭志有孔子列傳今考自唐以後孔氏歷有襲封我

朝於明史特立衍聖公傳表章聖裔甚盛典也茲采唐以下史傳參之闕里文獻考諸書分列嫡嗣支庶按次彙輯為孔氏後裔傳

一鄭志有年譜異姓世家二門皆仿於史記按史記年表即本紀中詳著之文故班史以後不襲其體無妨闕如五代宋史雖各有世家其所載南唐吳越前後蜀南北漢諸國皆係偏隅分據非封建諸侯比也鄭志本晉書之例於前涼西涼以及後梁蕭氏別稱載記體例最精今統歸載記不復更列世家之目又鄭志有游俠刺客滑稽貨殖四門亦本史記唐以後無可載並宜從闕

一列傳未備名目應為增修國史初立貳臣傳出自

審裁於旌別淑慝之中寓扶植綱常之義允昭褒貶之至公實為古今之通義今亦恪遵

聖訓於前代別立此門較諸原書體例實詳且核焉至唐書之姦臣叛臣逆臣傳皆唐以前諸史所無而其目實不可易今悉考核事迹增立姦臣叛臣逆臣三門列於貳臣之後

一有一人而兩史並爲立傳者如裴矩李密王世充已見隋書而唐書亦載之王倫宇文虛中張邦昌劉豫宋金兩史俱有傳張特立金元兩史俱有傳亦有一史之內一人而重傳者有父子兄弟分傳而彼此互複者名不勝數均刪併折衷以歸一是

一續纂諸略自五代始禮樂器服職官選舉之屬皆與史志相表裏今采取正史各志按代續編而鄭志食貨刑法災祥諸略於唐事亦多未備並采新舊唐書諸志以補其闕

一遼金元三朝氏族未有專書今詳加蒐輯如遼之三耶律氏二審密氏金之白號黑號諸姓元之蒙古七十二族色目三十一種備著於篇

一遼金元三朝文字史家所錄未有志書法之書故六書鮮有徵據契丹國志稱遼太祖以隸書之半增損作字金則有女真大字女真小字今皆不傳元蒙古字之制見於著述者有陶宗儀書史會要所載蒙古字母朱伯顏所載蒙古字韻其中譌誤相沿不一而足我

皇上欽定同文韻統綜以國書於蒙古字音字體無不賅備詳見

皇朝通志六書茲就三朝史冊所見者撮其大略以次敘述

一鄭志天文略祇載丹元子步天歌而不詳推步之法七音略祇用字母內轉外轉諸圖而不詳合聲切音之法今續纂各爲詳載

一鄭志藝文略止載羣書目錄未具撰人爵里撰述之家有姓名同而著書復同者如顏師古稱兩京房皆治易之類每易混淆今所續纂謹遵欽定四庫全書例以著錄存目分編於各書之下備載撰人姓名凡宋代諸書已登鄭志者不復列入其總類仍依鄭志爲十二門每門細目則以四庫全書爲準

一圖譜略鄭志首索象原學昉用三篇以辨其源流次自周秦迄於北宋分辨記有記無二篇以攷其存佚但樞局於見聞周秦圖譜至宋鮮有存者故記有篇祇總爲一門而記無篇多至二十六門我

皇上稽古右文圖書大備又復蒐羅海內藏書親加釐定自南宋而下圖譜孰有孰無瞭如指掌今於記有記無中各區爲經學史乘天文地理政典學術藝事物類八門各門之下再爲分晰名目斷自淳熙至於明季博采史志旁及畫譜書目按類增輯若夫文人遊藝涉筆成圖與夫私家譜牒偶見存留者無裨實學槩不綴錄

一金石略鄭志所錄原本歐陽修趙明誠諸家著錄粗具撰人姓氏而於碑碣所在大半未詳蓋限於方域搜羅未廣亦時地爲之也我朝幅員遼闊車書大同周秦鐘鼎漢唐銘刻往往有晦於古而顯於今者今所續纂即依鄭志圖

譜之例以今有今無分載取唐以前鄭志所未著者爲一卷五代以下爲二卷分綴撰書姓氏建立年歲與現存之地詳確考覈其散佚難稽者另爲一卷至前人著錄之誤兼爲辨證焉

一昆蟲草木略鄭志分爲八門已稱詳贍然郭注陸疏亦多未盡所謂通鳥獸之情狀察草木之精神者代有著述不厭搜羅今所續纂於鄭志未載者則補其遺已載者兼正其誤庶於諸經注疏足資考證

職名

三通館總裁

經筵日講起居注官翰林院掌院學士臣嵇璜

經筵講官吏部尚書管理國子監事務臣劉墉

兵部尚書臣王杰

經筵講官戶部尚書管理順天府尹事務臣曹文植

纂修兼總校官

日講起居注官翰林院侍講學士臣曹仁虎

翰林院侍講學士臣蔡廷衡

翰林院編修臣祝德麟

武英殿纂修翰林院編修臣陳嗣龍

翰林院編修臣黃瀛元

翰林院編修臣陳昌齊

翰林院編修臣翟槐

纂修兼校對官

日講起居注官翰林院侍講學士臣陸伯焜

署日講起居注官翰林院侍講學士臣吳璥

翰林院侍講學士臣陳萬青

翰林院編修臣勵守謙

翰林院編修臣秦泉

翰林院編修臣李漢

翰林院編修臣余集

翰林院編修臣汪鏞

翰林院編修臣王春煦

翰林院編修臣徐如澍

翰林院編修臣戴均元

翰林院編修臣周璣

翰林院編修臣吳錫麒

翰林院編修臣程昌期

翰林院編修臣甘立猷

翰林院編修臣劉汝暮

翰林院編修臣秦承業

翰林院編修臣俞廷榆

翰林院編修臣王受

翰林院編修臣盧蔭溥

翰林院編修臣萬承風

翰林院編修臣茹葵

翰林院編修臣邵瑛

文淵閣檢閱內閣中書臣顧宗泰

翰林院庶吉士臣陳萬全

翰林院庶吉士臣王錫奎

翰林院庶吉士臣賀賢智

翰林院庶吉士臣溫汝适

翰林院庶吉士臣崔景儀

翰林院庶吉士臣李驥元

翰林院庶吉士臣朱依貞

翰林院庶吉士臣程嘉謨

原任翰林院侍講候補主事臣莊承籛

原任翰林院庶吉士臣鄭應元

滿纂修官

理藩院主事臣巴達爾呼

工部筆帖式候補小京官臣齡椿

候補筆帖臣式嵩年

內閣貼寫中書臣明達

提調官

內閣侍讀臣西精額

文淵閣校理武英殿提調翰林院檢討臣彭元琬

收掌官

翰林院筆帖臣式庫蒙額

翰林院筆帖臣式鶴麟

武英殿修書處刊刻續三通諸臣職名

總裁

和碩儀親王 臣王永璇

經筵講官太子太傅領侍衛內大臣大學士世襲輕車都尉 臣慶桂

經筵日講起居注官太子太傅大學士兼翰林院掌院學士 臣朱珪

總理

經筵講官工部左侍郎兼左翼總兵官 臣英和

經筵講官工部左侍郎提督安徽學政 臣玉麟

步軍

統領 臣文盛

提調

內閣學士兼禮部侍郎 臣汪滋晚

詹事府詹事提督山東學政 臣王宗誠

文淵閣校理 咸安宮總裁教習庶吉士翰林院編修 臣吳雲

翰林院編修 臣李振森

校對 翰林院編修 臣吳裕德

文淵閣校理 翰林院檢討 臣趙未彤

文淵閣校理 翰林院侍講 臣張錦枝

日講起居注官教習庶吉士左春坊左庶子 臣吳肅

翰林院編修 臣俞恆潤

國史館提調 翰林院檢討 臣張麟

翰林院編修 臣王澤

國史館纂修 翰林院編修 臣吳熙曾

翰林院編修 臣杜壻

翰林院編修 臣朱珩

翰林院編修 臣章道鴻

翰林院編修 臣黃中傑

翰林院編修 臣張元宰

翰林院編修 臣何應杰

翰林院編修 臣龔守正

翰林院編修 臣卓秉恬

翰林院編修 臣徐松

翰林院編修 臣姚元之

翰林院編修 臣邵葆鍾

翰林院編修 臣和桂

翰林院編修 臣龔寶興

翰林院編修 臣謝崧

翰林院編修 臣翟錦觀

翰林院編修 臣張聰賢

翰林院編修 臣程家督

翰林院編修 臣蔣詩

翰林院編修 臣何彤然

翰林院編修 臣劉謙

翰林院編修 臣穆章阿

翰林院編修 臣朱澄

翰林院編修 臣席煜

副榜貢生候選州同 臣鄧百海

副榜貢生候選知縣 臣邵翔

副榜貢生候選復設教諭 臣胡宗瑗

副榜貢生候選 臣鹿維寧

副榜貢生候選 臣何隆起

副榜貢生候選 臣張方觀

副榜貢生候選鹽大使 臣蕭樹芳

副榜貢生候選直隸州州判 臣汪誠

拔貢 臣童兆起

拔貢 臣喬普

拔貢 臣蘇平世

拔貢 臣姚步萊

監造 臣長申

內務府郎中兼佐領 臣克蒙額

正監造員外郎 臣六十五

副監造 臣內管領 臣永清

委署主事 臣經文

六品銜庫掌 臣和興

掌稿筆帖式 臣玉廣

庫掌 臣善元

庫掌 臣光裕

委署庫掌 臣崇文

欽定續通志總目

唐本紀 凡十八卷

卷一至卷十八

五代本紀 凡六卷

卷十九至卷二十四

宋本紀 凡十六卷

卷二十五至卷四十

遼本紀 凡六卷

卷四十一至卷四十六

金本紀 凡十卷

卷四十七至卷五十六

元本紀 凡十四卷

卷五十七至卷七十

唐后妃傳 凡三卷

卷七十一至卷七十三

五代后妃傳 凡一卷

卷七十四

宋后妃傳 凡三卷

卷七十五至卷七十七

遼后妃傳 凡一卷

卷七十八

金后妃傳 凡一卷

卷七十九

元后妃傳 凡一卷

卷八十

氏族略 凡八卷

卷八十一至卷八十八

六書略 凡四卷

卷八十九至卷九十二

七音略 凡四卷

卷九十三至卷九十六

天文略 凡六卷

卷九十七至卷一百一

地理略 凡七卷

卷一百三至卷一百九

都邑略 凡一卷

卷一百十

禮略 凡八卷

卷一百十一至卷一百十八

謚法略 凡三卷

卷一百十九至卷一百二十一

器服略 凡五卷

卷一百二十二至卷一百二十六

樂略 凡三卷

卷一百二十七至卷一百二十九

職官略 凡十卷

卷一百三十至卷一百三十九

選舉略 凡四卷

卷一百四十至卷一百四十三

刑法略 凡八卷

卷一百四十四至卷一百五十一

食貨略 凡四卷

卷一百五十二至卷一百五十五

藝文略 凡八卷

卷一百五十六至卷一百六十三

校讐略 凡一卷

卷一百六十四

圖譜略 凡二卷

卷一百六十五至卷一百六十六

金石略 凡四卷

卷一百六十七至卷一百七十

災祥略 凡三卷

卷一百七十一至卷一百七十三

昆蟲草木略 凡七卷

卷一百七十四至卷一百八十

唐宗室傳 凡六卷

卷一百八十一至卷一百八十六

五代宗室傳 凡一卷

卷一百八十七

宋宗室傳 凡三卷

卷一百八十八至卷一百九十

遼宗室傳 凡二卷

卷一百九十一至卷一百九十二

金宗室傳 凡六卷

卷一百九十三至卷一百九十八

元宗室傳 凡二卷

卷一百九十九至卷二百

唐列傳 凡八十卷

卷二百一至卷二百八十

五代列傳 凡十六卷

卷二百八十一至卷二百九十六

宋列傳 凡一百二十卷

卷二百九十七 至 卷四百一十六

遼列傳 凡六卷

卷四百一十七 至 卷四百二十二

金列傳 凡二十四卷

卷四百二十三 至 卷四百四十六

元列傳 凡五十四卷

卷四百四十七 至 卷五百

外戚傳 凡七卷

卷五百一 至 卷五百七

忠義傳 凡十五卷

卷五百八 至 卷五百二十一

孝友傳 凡四卷

卷五百二十三 至 卷五百二十六

獨行傳 凡三卷

卷五百二十七 至 卷五百二十九

循吏傳 凡五卷

卷五百三十 至 卷五百三十四

酷吏傳 凡一卷

卷五百三十五

孔氏後裔傳 凡二卷

卷五百三十六 至 卷五百三十七

儒林傳 凡十六卷

卷五百三十八 至 卷五百五十三

文苑傳 凡十四卷

卷五百五十四 至 卷五百六十七

隱逸傳 凡六卷

卷五百六十八 至 卷五百七十三

宦者傳 凡六卷

卷五百七十四 至 卷五百七十九

藝術傳 凡六卷

卷五百八十 至 卷五百八十五

佞幸傳 凡三卷

卷五百八十六 至 卷五百八十八

列女傳 凡五卷

卷五百八十九 至 卷五百九十三

載紀 凡十二卷

卷五百九十四 至 卷六百五

貳臣傳 凡六卷

卷六百六 至 卷六百一十一

姦臣傳 凡八卷

卷六百一十二 至 卷六百一十九

叛臣傳 凡七卷

卷六百二十 至 卷六百二十六

逆臣傳 凡八卷

卷六百二十七 至 卷六百三十四

四夷傳 凡六卷

卷六百三十五 至 卷六百四十

臣等謹案

欽定續通志六百四十卷乾隆三十二年奉

敕纂其紀傳自唐始諸略自五代始因鄭樵舊目

參攷同異斟酌損益之有鄭志所無而增補

者有鄭志所有而刪併者各於本門小序詳

述端委竊惟作史之要貴於體例精嚴褒貶

至當爲天下後世立綱常名教之準我

皇上御批通鑑輯覽出以獨斷衡以大公爲前代

史論所未有

御製全韻詩舉歷代帝王得失炯鑒據事直書誠

皆千古定評足爲萬世法戒謹於各卷內備

載

御批兼以

全韻詩註意依次節敘若夫尊師重道教化之原

皇上於明史命立衍聖公傳所以表章聖裔也今

則於通志立孔氏後裔傳事君致身倫紀之

大

皇上於

國史別編姦臣所以樹臣道之大防爲古今之

通義今刪於通志依例立貳臣傳其姦臣叛

臣逆臣名本唐書義昭缺鉞並爲增輯以正

彝倫此皆鄭志所無而增補者鄭志有年譜

有異姓世家有游俠刺客滑稽貨殖諸傳或

併或刪不妨從闕至其氏族以下二十略樵

雖彈見洽聞蒐羅未盡蓋綜核名物博采爲

難我

朝稽古右文圖書大備近復廣蒐海內藏書編

羅四庫取資既富考據易精茲所續纂如藝

文則以著錄存目分編於各書之下圖譜則

以記有記無統列八門皆本四庫全書以資

討索他如周秦鐘鼎漢唐銘刻散布海宇方

域限之樵之闕略亦時地爲之也我

朝鴻圖式廓車書大同雖在流沙萬里之外如

漢表岑唐姜行本紀功之碑竝在巴里坤爲
自來好古者所未得見今官吏往來皆得手
摩其文又況直省之采求者哉茲所續金石
略補唐以前者十之三記有者十之五記無
者十之二洵乎鄭樵所不能望見者也昆蟲
草木羽翼注疏不可以朝代限今攷之全書
統爲采掇卽食貨刑法災祥諸略於唐事未
備者亦采新舊唐書增之並以補鄭志之闕
焉凡茲義類悉本

睿裁較之樵書實更精覈自本紀后妃傳而外爲

略二十爲傳二十有二都六百四十卷乾隆

五十年十月恭校上

總纂官左都御史臣紀昀

大理寺卿臣陸錫熊

唐紀

臣等謹案自班固已後斷代爲史而會通之義不著宋臣鄭樵作通志乃始搜纂綴輯上下數千載綜其行事粲然成一家之言厥功偉矣顧以唐書五代史爲本朝大臣所修不敢輕議故紀傳斷限逮隋而止今臣等奉

命續纂是書爰始有唐以迄於元君臣流別紀傳羣分大率皆取衷於鄭氏然鄭氏論次本紀三皇已降開宋羣言兩漢而還全鈔舊史良以規模粗定亟於成書參考異同有所未暇亦以馬班陳范史家鉅手辭本簡嚴無可更易故耳至若劉昫唐書薛居正五代史大抵冗蔓無法而本紀爲尤歐陽修新修二史裁斷取舍仰師春秋顧其中亦或失之太簡且多與傳不合降而宋遼金元卷帙浩繁無累滋甚臨文證事未易得所折衷且夫史有文質辭有詳略當其各自爲書原屬不相沿襲今既薈萃成編不得不裁定義類以著一書之通體故凡一王受命其祖宗之積累皆采附帝紀而如金史之前列世紀後列世紀補者無取也一時詔令有關於當日之治忽者開收存一二其或蹈常襲故多飾僞句與直書口語者不錄也日食必書而星變地震之屬別詳於災祥之略君舉必書而視疾臨喪之屬自具於諸臣之傳輔臣元老拜罷必書而庶官之遷秩不期其備雄藩重鎮移徙必書而節使之遙領或從其略朝貢聘問非素所難致者不書而南北朝之使命往來必識也恩澤赦宥非

出自曠典者不書而災荒歲之給復振恤必著也其他凡所采錄皆綜其略而摭其要據事直書詞無予奪漏者補之訛者正之又其中或紀傳各出且有與他史互異者仍旁搜博考以歸畫一必其說本相懸無可強合則亦詳爲夾注用示傳疑惟諸書紀載月日往往不符事迹既非徑庭討論亦滋瑣屑茲則開爲標識條或闕如定著本紀凡七十卷要以詞的義該例明事備一洗原紀之疵類而歸於簡核以漸有當於事增文省之義云爾

高祖

高祖皇帝姓李氏諱淵字叔德隴西成紀人七世祖嵩當晉末據燉煌以自王是爲涼武昭王嵩生歆爲沮渠蒙遜所滅歆生重耳仕魏爲弘農太守重耳生熙爲金門鎮將戍於武川因留家焉熙生天賜舊唐書作天錫爲幢主天賜生虎西魏時賜姓大野氏官至太尉與周文帝及太保李弼等皆爲柱國當時號八柱國家周閔帝受魏禪虎已卒乃追錄其佐命功封唐國公諡曰襄襄公生昧襲封唐公安州總管柱國大將軍卒諡曰仁高祖仁公子也七歲襲封唐公隋文帝獨孤皇后高祖之從母也以故文帝與高祖相親愛文帝相周復高祖姓李氏以爲千牛備身事隋爲譙隴二州刺史大業中厯岐州刺史榮陽樓煩二郡太守召爲殿內少監衛尉少卿煬帝征遼東遣高祖督運糧於懷遠鎮楊玄感反其兄弟從征遼者皆逃歸高祖先覺以間煬帝遽班師以高祖爲弘化留守以禦玄感詔關右諸郡兵皆受節度高祖體有三乳性豁達寬仁容眾無貴賤咸得其歡心是時隋政荒天下大亂高祖既踐歷中外結納豪傑之士士

多款附之者煬帝多以猜忌殺戮大臣嘗有詔徵高祖高祖遇疾不時謁高祖有甥王氏在後宮煬帝問之王氏對以疾煬帝曰可得死否高祖問之益懼因縱酒納賂以自晦十一年拜山西河東慰撫大使擊龍門賊母端兒又擊絳州賊敬槃陀柴保昌所向克捷舊書不載新書詔書擊柴保昌而無敬槃陀今據隋書樊子蓋傳增輯突厥犯塞高祖與馬邑太守王仁恭擊之隋兵少不敵高祖選精騎二千爲遊軍居處飲食隨水草如突厥而射獵馳騁示以閒暇別選善射者伏爲奇兵虜見高祖疑不敢戰高祖乘而擊之突厥敗走十三年拜太原留守擊高陽歷山飛賊甄翟兒於西河破之是時煬帝南遊江都天下盜起高祖子世民知隋必亡陰結豪傑招納亡命與晉陽令劉文静等謀舉大事計已決而高祖未之知欲以情告懼不見聽高祖過裴寂飲酒酒酣從容寂具以世民所謀告之高祖大驚寂曰正爲宮人奉公事發當誅故急而出此先是高祖留守太原領晉陽官監而裴寂爲副監寂高祖所善客也世民陰與寂謀寂因遷晉陽宮人私侍高祖及是寂以爲言世民因亦入白其事高祖初欲不許已而許之然未有以發會突厥數犯邊高祖兵出無功煬帝遣使者執高祖詣江都高祖大懼世民曰事急矣可舉事已而煬帝復馳使者赦止高祖其事遂已是時劉武周起馬邑林士弘起豫章劉元進起晉安皆稱皇帝朱粲起南陽號楚帝李子通起海陵號楚王邵江海據岐州號新平王韓舉起金城號西秦霸王郭子和起榆林號永樂王竇建德起河間號長樂王王須拔起恆定號漫天王汪華起新安杜伏威起淮南皆號吳王李密起鞏號魏公王德仁起鄴號太公左才相起齊郡

號博山公羅藝據幽州左難當據涇馮盎據高羅皆號
總管梁師都據朔方號大丞相孟海公據曹州號錄事
周文舉據淮陽號柳葉軍高開道據北平張長慈據五
原周洮據上洛楊士林據山南徐圓朗據兗州楊仲達
據豫州張善相據伊汝王要漢據汴州時德叔據尉氏
李義滿據平陵蔡公順據青萊清于難據文登徐師順
據任城蔣弘度據東海王薄據齊郡蔣善合據鄆州田
留安據章邱張青特據濟北臧君相據海州殷恭遂據
舒州周法明據永安苗海潮據永嘉梅知嚴據宣城鄧
文進據廣州俚酋楊世略據循潮再安昌據巴東甯長
真據鬱林其別號諸盜往往屯聚山澤而劉武周攻汾
陽宮高祖乃集將吏告曰吾爲留守而賊據離宮縱賊
不誅罪當死然出兵必待報今江都隔遠後期奈何將
吏皆曰國家之利可專者公也高祖曰善乃募兵旬日
間得眾一萬副留守虎賁郎將王威虎牙郎將高君雅
見兵大集疑有變謀因禱雨晉祠以圖高祖高祖覺之
乃陰爲備五月甲子高祖及威君雅視事開陽府司馬
劉政會劉政會傳作鷹揚司馬告威君雅及郎座上執之丙寅突
厥犯邊高祖令軍中曰人告威君雅召突厥今其果然
遂殺之以起兵遣劉文靜使突厥約連和六月己卯傳
檄諸郡稱義兵開大將軍府置三軍以子建成爲隴西
公左領軍大都督左軍隸焉世民爲煥煌公右領軍大
都督右軍隸焉元吉爲姑臧公中軍隸焉裴寂爲長史
劉文靜爲司馬石艾縣長殷開山爲殷開山傳作太谷長劉政
會爲屬長孫順德王長諸劉弘基寶琮爲統軍開倉庫
賑窮乏七月壬子高祖杖白旗誓眾於野有兵三萬以
元吉爲太原留守癸丑發太原甲寅遣將張綸徇下離

石龍泉文城三郡丙辰次靈石營於賈胡堡隋虎牙郎
將宋老生屯於霍邑以拒義師丙寅隋鷹揚府司馬李
軌起武威號大涼王八月辛巳敗宋老生於霍邑丙戌
下臨汾郡辛卯克絳郡癸巳次龍門突厥遣其將率兵
五百人馬二千匹與劉文靜來會隋驍衛大將軍屈突
通守河東絕津梁壬寅馮翊賊孫華士門賊白玄度皆
具舟以來逆九月戊午高祖領太尉加置僚佐以少牢
祀河乃濟甲子次長春宮丙寅隴西公建成司馬劉文
靜屯永豐倉兼守潼關煥煌公世民自渭北徇三輔所
至皆下高祖從父弟神通起兵於鄠柴氏婦高祖女也
亦起兵於司竹皆與世民會鄠賊邱師利李仲文蓋屋
賊何潘仁向善思宜君賊劉昊等皆來降因略定鄠杜
壬申高祖次馮翊乙亥煥煌公世民屯阿城隴西公建
成自新豐趨霸上丙子高祖率大軍自下邳而西所經
過行宮苑藥悉罷之出宮女還其家十月辛巳次長樂
宮有眾二十萬隋留守刑部尚書衛文昇等奉代王侑
守京城高祖遣使諭之不報乃圍之下令曰犯隋七廟
及宗室者罪三族丙申隋羅山令蕭銑自號梁公十一
月丙辰克京城命主符郎宋公弼收國籍約法十二條
殺人劫盜背軍叛者死癸亥逆尊煥帝爲太上皇立代
王爲皇帝大赦改元義寧甲子高祖入京師至朝堂望
闕而拜隋帝授高祖假黃鉞使持節大都督內外諸軍
事大丞相錄尚書事進封唐王以武德殿爲丞相府下
敕曰令視事於虔化門十二月癸未隋帝贈唐襄公爲
景王仁公爲元王夫人竇氏爲唐國妃諡曰穆以建成
爲唐國世子世民爲唐國內史徙封秦國公元吉爲齊
國公丞相府置長史司錄以下官置丞相府官屬創業起居注在十一月

趙郡公孝恭徇山南甲辰雲陽令詹俊徇巴蜀河池太
守蕭瑀以郡降二年正月丁未隋帝詔唐王劍履上殿
入朝不趨贊拜不名加前後羽葆鼓吹戊午周洮降戊
辰世子建成爲左元帥秦國公世民爲右元帥徇地東
都二月己卯太常卿鄭元璠定樊鄧使者馬元規徇荆
襄三月己酉齊國公元吉爲太原道行軍元帥乙卯世
民徙封趙國公丙辰隋右屯衛將軍宇文弼及弒太上
皇於江都立秦王浩爲皇帝吳興郡守沈法興據丹陽
自稱江南道總管樂安人盧祖尚據光州自稱刺史戊
辰隋帝進唐王位相國總百揆備九錫唐國置丞相等
官立四廟四月己卯張長孫降辛巳停竹使符班銀菟
符五月乙巳隋帝命唐王冕十有二旒建天子旌旗出
警入蹕甲寅王德仁降戊午隋帝遜於位以刑部尚書
蕭造司農少卿裴之隱奉皇帝璽紱於唐王三讓百寮
上表勸進乃受改大興殿爲太極殿甲子即皇帝位於
太極殿命蕭造兼太尉告於南郊大赦改隋義寧二年
爲唐武德元年賜百官爵一級義師所過給復三年其
餘給復一年改郡爲州太守爲刺史隋東都留守元文
都左武衛大將軍王世充立越王侗爲皇帝壬申命裴
寂等修律令六月甲戌趙國公世民爲尚書令裴寂爲
尚書右僕射知政事劉文靜爲納言隋民部尚書蕭瑀
丞相府司錄參軍竇威爲內史令廢隋大業律令頒新
格己卯追諡皇高祖曰宣簡公皇曾祖曰懿王皇祖曰
景皇帝廟號太祖祖妣梁氏曰景烈皇后皇考曰元皇
帝廟號世祖妣獨孤氏曰元貞皇后妃竇氏曰穆皇后
備法駕迎宣簡公已下神主祔於太廟庚辰立世子建
成爲皇太子封世民爲秦王元吉齊王癸未辭舉寇涇

州命秦王世民爲西討元帥劉文靜爲司馬太僕卿宇文明達招慰山東乙酉奉隋帝爲鄴國公詔前隋蔡王智積等子孫皆選用之癸巳禁言符瑞者辛丑竇威薨黃門侍郎陳叔達判納言將作大匠竇抗兼納言秋七月壬子劉文靜及薛舉戰於涇州敗績乙卯郭子和降庚申廢隋離宮八月壬申劉文靜除名戊寅約功臣恕死罪辛巳薛舉死子仁果復僭稱帝按新舊紀暨薛舉死罪辛巳薛舉死子仁果復僭稱帝傳皆作仁果房玄齡高祖實錄先作仁果後作仁果太宗實錄吳兢太宗動史革命記焦瑒唐初年代記陳嶽唐統記皆作仁果壬午李軌降甲申嚴州刺史王德仁殺招慰使宇文明達以反己丑秦王世民爲西討元帥討薛仁果庚子贈隋太常卿高顯上柱國鄴國公上柱國賀若弼杞國公司隸大夫薛道衡上開府臨河縣公刑部尚書宇文弼上開府平昌縣公左翊衛將軍董純柱國狄道公右驍衛將軍李金才上柱國中國公左光祿大夫李敏柱國觀國公諸遭隋枉殺而子孫被流者皆還之九月乙巳親慮囚徒甲寅秦州總管竇軌及薛仁果戰敗績辛未追諡隋太上皇爲煬帝字文化及殺秦王浩自稱皇帝冬十月壬申朔日有食之己卯李密降壬午朱粲陷鄧州刺史呂子臧死之乙酉邵江海降癸巳詔行傳仁均所造戊寅曆辛丑大閱是月竇抗罷十一月竇建德敗王須拔於幽州須拔亡入於突厥乙巳涼王李軌反戊申禁獻休儒短節小馬庫牛異獸奇禽己酉秦王世民大破薛仁果於淺水原執之隴右平癸丑行軍總管趙慈景攻蒲州隋刺史堯君素拒戰慈景奏秦王世民俘薛仁果以獻詔頒五十三條格十二月壬申世民爲太尉丙子蒲州人殺堯君素立其將王行本辛巳鄭元璫及朱粲戰於商州敗之乙酉如周氏陵丁亥至自

周氏陵庚子光祿卿李密反伏誅是歲高開道陷漁陽號燕王

二年春正月甲子陳叔達兼納言丙寅張善相降己巳楊士林降二月乙酉初定租庸調法令文武官遭父母喪者聽去職甲午赦并浩介石四州賈胡堡以北繫囚閏月按新唐書紀開之例前月有事可考首祇書閏月此年二月乙酉初定租庸調法令文武官遭父母喪者聽去職甲午赦并浩介石四州賈胡堡以北繫囚正月壬寅如洛陽宮是也今自五代以下一皆倣此例書寶建德陷邢州執總管陳君賓辛丑寶建德殺宇文化及於聊城朱榮降壬寅皇太子及秦王世民裴寂巡於畿縣乙巳御史大夫段確勞朱榮於菊潭己酉李密舊將徐世勣以黎陽之眾及河南十郡降庚戌徵行察風俗左屯衛將軍何潘仁及山賊張子惠戰於司竹死之丁巳慮囚庚申曉騎將軍趙欽王安羅及山賊戰於熬屋死之丁卯王世充陷殷州陟州刺史李育德死之三月甲戌王薄降庚辰蔣弘度徐師順降丁亥寶建德陷趙州丁酉李義滿降夏四月基公順降庚子并州總管齊王元吉及劉武周戰於榆次敗績辛丑朱榮殺段確以反乙巳王世充廢越王侗自稱皇帝癸亥陷伊州執總管張善相五月己卯鄴國公堯新書係八月丁酉庚辰涼州將安修仁執李軌以降癸未曲赦涼甘瓜鄯肅會蘭河廓九州六月王世充殺越王侗戊戌立周公孔子廟於國子監庚子寶建德陷滄州丁未劉武周陷介州癸亥裴寂爲晉州道行軍總管以討之離石胡劉季真叛陷石州刺史王儉死之秋七月壬申徐圓朗降置十二軍分隸關內諸府新書在元八月甲子寶建德陷洛州執總管袁子幹九月辛未殺戶部尚書劉文靜舊書在李子通自稱皇帝沈法興自稱梁王丁丑杜伏威降裴

寂及劉武周戰於介州敗績右武衛大將軍姜寶誼死之庚辰寶建德陷相州總管呂珉死之辛巳劉武周陷并州庚寅寶建德陷趙州執總管張志昂梁師都寇延州鄴州刺史梁禮死之冬十月己亥羅藝降乙卯如華陰壬戌劉武周寇晉州永安王孝基及工部尚書獨孤懷恩陝州總管于筠內史侍郎唐儉討之是月夏縣人呂崇茂反秦王世民討劉武周十一月丙子寶建德陷黎州按革命記黎陽陷在十月而新舊書言在十月黎州一月丙子本之實錄蓋以秦到之舊言也安王神通總管李世勣十二月丙申獵於華山永安王孝基及劉武周戰於下邳敗績按舊書云永安王孝基管于筠爲劉武周將宋金剛掩襲並沒焉與新書詳略不同然其所謂武周將宋金剛掩襲並沒焉與新書詳略也也呂崇茂攻下邳救於金剛金剛遣其將尉遲敬德助之戰於下邳救於金剛金剛遣其將尉遲敬德助之也人呂崇茂攻下邳救於金剛金剛遣其將尉遲敬德助之也王孝基等進攻下邳救於金剛金剛遣其將尉遲敬德助之也德義破李基營取四縣俱沒之武周所定於汾晉未嘗自州拓地志云安邑故城是武周所定於汾晉未嘗自河而南至下邳也又四縣俱沒之武周所定於汾晉未嘗自呂崇茂攻下邳救於金剛金剛遣其將尉遲敬德助之也將而下邳之富爲夏縣益足證矣

三年春正月己巳獵於渭濱戊寅王行本降辛巳如蒲州癸巳至自蒲州二月庚子如華陰甲寅獨孤懷恩謀反伏誅辛酉檢校隰州總管劉師善謀反伏誅三月庚午舊書作己卯然上有辛酉下有甲改納言爲侍中丙戌中問不得有己卯也今從新書

史令爲中書令甲戌中書侍郎封德彝兼中書令乙酉劉季真降夏四月壬寅至自華陰甲寅秦王世民及宋金剛戰於雀鼠谷敗之辛酉王世充陷鄧州總管雷四耶死之壬戌秦王世民及劉武周戰於洛州敗之武周亡入於突厥并州平五月壬午秦王世民屠夏縣六月丙申赦晉陽潞并四州癸卯詔隋帝及其宗室樞在江

都者爲營多置陵廟丙午慮囚封子元景爲趙王元昌
魯王元亨鄭王己酉出宮女五百人賜東征將士有功
者甲寅顯州長史田瓚殺行臺尙書令楊士林叛附於
王世充乙卯涇州縣暴骨秋七月壬戌秦王世民討王
世充甲戌皇太子屯於蒲州以備突厥丙戌梁師都導
突厥稽胡寇邊行軍總管段德操敗之八月庚子慮囚
甲辰時德劼降九月癸酉田瓚降己丑給復陝州熊殺
四州二年冬十月戊申高開道降己酉楊仲達降十二
月己酉瓜州刺史賀拔行威反

四年春正月丁卯竇建德行臺尙書令胡太恩以大安
鎮來降辛巳皇太子伐稽胡二月竇建德陷曹州執孟
海公己丑車騎將軍董阿興反於隴州伏誅乙巳太常
少卿李仲文謀反伏誅丙午慮囚丁巳赦代州總管府
石嶺之北三月庚申慮囚乙酉竇建德陷管州刺史郭
志安死之夏四月壬寅齊王元吉及王世充戰於東都
敗績行軍總管盧君諤死之戊申突厥寇并州執漢陽
郡王瓌太常卿鄭元璠左驍騎衛大將軍長孫順德甲
寅封子元方爲周王元禮鄭王元嘉宋王元則荆王元
茂越王元壽書本紀皆云元茂越王按高祖諸子傳周
除康王元壽始王鄭韓王元嘉始王宋彭思王元則初
王荆鄭惠王元壽始王鄭韓王元嘉始王宋彭思王元
糾謬據此謂元茂越王王滕與本紀所書即是一事吳
當作元壽滕王爲是丁巳左武衛將軍王君廓敗張
青特執之五月壬戌秦王世民敗竇建德於虎牢執之
河北悉平乙丑赦山東爲建德所誣者戊辰王世充
降河南平庚午周法明降六月庚寅赦河南爲王世充
所誣誤者戊戌蔣善合降庚子營州人石世則執其總
管晉文衍叛附於靺鞨乙卯臧君相降秋七月甲子秦
王世民俘王世充以獻丙寅竇建德伏誅流王世充於

蜀謹案通鑑輯覽御批世充建德僭竊相同而丁卯大赦給復天下一年陝州面就虞芮幽七州二年廢五銖錢行開元通寶錢甲戌劉黑闥反貝州辛巳戴州刺史孟噉鬼反伏誅八月丙戌朔日有食之丁亥皇太子安撫北境丁酉劉黑闥陷鄆縣魏州刺史權威貝州刺史戴元祥死之癸卯突厥寇代州按突厥寇代州舊刺史戴元祥死之癸卯突厥寇代州書不載於紀新書管永安王元基又永安王元基突厥傳則云敗行軍總管承安王元基爲尉遲迥德昌所敗被執謀亡歸丁爲賊所害似不應四年復爲突厥所執也新紀誤丁未劉黑闥陷歷亭屯衛將軍王行敏死之辛亥深州人崔元遙殺其刺史裴曉叛附於劉黑闥兗州總管徐圓朗反九月盧祖尙降乙卯滑州難降甲子汪華降冬十月己丑秦王世民爲天策上將領司徒齊王元吉爲司空庚寅劉黑闥陷瀛州執刺史盧士叡又陷觀州癸卯毛州人董鐙明殺其刺史趙元愷乙巳夔州總管趙郡王孝恭敗蕭銑於江陵執之荊州平閏月乙卯如稷州己未幸舊墅壬戌獵於好時乙丑獵於九變丁卯獵於仲山戊辰獵於清水谷遂幸三原辛未如周氏陂壬申至自周氏陂十一月甲申有事於南郊庚寅李子通降丙申子通謀反伏誅壬寅劉黑闥陷定州總管李玄通死之庚戌杞州人周文舉殺其刺史王孝矩叛附於黑闥蔚州總管高開道反十二月乙卯黑闥陷冀州總管魏稜死之甲子左武侯將軍李世勣及黑闥戰於宋州

考異云舊地理志武德四年置敗績丁卯秦王世民齊宗州於宗城縣宋字當作宗敗績丁卯秦王世民齊王元吉討黑闥已巳黑闥陷邢州庚午陷魏州總管潘道殺死之辛未陷萊州考異云實錄作莘州新書作業十道志開皇十六年於莘縣置莘州壬申徙封元嘉爲徐王五年春正月乙酉劉黑闥陷相州刺史房見死之丙戌

股恭遂降丁亥濟州別駕劉伯通執其刺史實務本叛附於徐圓朗庚寅東鹽州治中王才藝殺其刺史田華叛附於劉黑闥丙申相州人殺其刺史獨孤徹以其州叛附於黑闥按正月乙酉劉黑闥已陷相州此云相州祿州人按地理志己酉楊世略劉元進降二月王要漢無祿州實錄亦誤己酉楊世略劉元進降二月王要漢降己巳秦王世民克邢州丁丑劉黑闥陷洺州總管羅士信死之戊寅汴州總管王要漢敗徐圓朗於杞州執周文舉三月戊戌譚州刺史李義滿殺齊州都督王薄丁未秦王世民及劉黑闥戰於洛水敗之盡復所陷州縣黑闥亡入突厥高開道反寇易州刺史慕容孝幹死之夏四月冉安昌降己未甯長真降戊辰釋流罪以下獲麥壬申代州總管李大恩及突厥戰死之戊寅鄧文進降五月日留安降庚寅瓜州人王幹殺賀拔行威以降乙巳賜荊州今歲田租六月辛亥劉黑闥與突厥寇山東車騎將軍元都爲瓜州道行軍總管以備突厥癸丑吐谷渾寇洮州疊州岷州總管李長卿敗之乙卯淮安王神通討徐圓朗秋七月甲申作弘義宮甲午淮陽王道玄爲河北道行軍總管討劉黑闥貝州人董該以定州叛附於黑闥丙申突厥殺劉武周於白道遷州人鄧士政反執其刺史李敬昂丁酉馮盎降儀表悉定八月辛亥葬隋煬帝考異云實錄武德三年六月癸卯隋煬帝蓋三年李子通猶據甲寅吐谷渾寇岷州益州

道行臺左僕射竇軌敗之乙卯突厥寇邊庚申皇太子出幽州道秦王世民出秦州道以禦突厥己巳吐谷渾陷洮州并州總管襄邑王神符及突厥戰於汾東敗之戊寅突厥陷大震關九月癸巳靈州總管楊師道敗之於三觀山丙申洪州總管宇文歆又敗之於崇岡壬寅

定州總管雙士洛驍騎將軍魏道仁又敗之於恆山之陽丙午領軍將軍安興貴又敗之於甘州劉黑闥陷瀛州刺史馬匡武死之東鹽州人馬君德以其州叛附於黑闥冬十月己酉齊王元吉討黑闥癸丑貝州刺史許善護及黑闥戰於鄆縣死之甲寅觀州刺史劉君會叛附於黑闥乙丑淮陽王道玄及黑闥戰於下博死之己巳林士弘降十一月庚辰劉黑闥陷滄州甲申皇太子討黑闥丙申如宜州癸卯獵於富平北原十二月丙辰獵於萬壽原戊午劉黑闥陷恆州刺史王公政死之庚申至自萬壽原壬申皇太子及劉黑闥戰於魏州敗之甲戌又敗之於毛州

六年春正月己卯黑闥將葛德威諸葛德威執黑闥以降山東平壬午蒿州人王摩娑反驃騎將軍衛彥討之庚寅徐國朗陷泗州二月劉黑闥伏誅書作皇太子

於魏州在五庚戌幸溫湯壬子獵於驪山甲寅至自溫湯丙寅行軍總管李世勣敗徐國朗執之按舊書徐國

平黑闥進師曹州遣淮安王神通及李世勣攻黑闥是夜遁爲野人所殺新書紀云黑闥窮蹙三月苗海潮梅

知嚴左難當降乙巳洪州總管張善安反夏四月己酉吐蕃陷芳州己未以故第爲通義官祭元皇帝元貞皇

后於舊寢赦京城繫囚賜從官帛辛酉張善安陷孫州執總管王戎丁卯南州刺史龐孝泰反陷南越州壬申

封子元瑋爲蜀王吳頌曰高祖諸子二十二人不傳並

六年始王蜀與觀漢二王同封後從王元軌傳云武德

封王蜀及八年徙封吳者皆名元瑋而貞觀十年徙封

者則名元軌豈初名元瑋後改爲元軌歟以爲傳漏載其

也元慶漢王癸酉裴寂爲尙書左僕射蕭瑀爲右僕射封德彝爲中書令吏部尙書楊恭仁兼中書令檢校涼州諸軍事五月庚寅吐谷渾党項寇河州刺史盧士良敗之癸卯高開道以奚寇幽州長史王說敗之六月丁卯突厥寇朔州總管高滿政敗之曲赦朔州七月丙子沙州別駕竇伏明反殺其總管賀若懷廓己亥皇太子屯於北邊秦王世民屯於并州以備突厥八月壬子淮南道行臺左僕射輔公祏反乙丑趙郡王孝恭討之九月壬辰秦王世民爲江州道行軍元帥丙申渝州人張大智反冬十月丙午殺廣州都督劉世讓戊申降死罪

流以下原之己未如華陰張大智降庚申獵於白鹿原壬戌右虞候率杜士遠殺高滿政以朔州反丁卯突厥

請和十一月壬午張善安襲殺黃州總管周法明丁亥如華陰此如華陰舊書無之前此十月如華陰辛卯獵

於沙苑丁酉獵於伏龍原十二月壬寅朔日有食之癸卯張善安降甲寅至自華陰

七年春正月庚寅鄆州人鄧同穎殺其刺史李士衡二月丁巳釋奠於國學己未瀕陽部將張金樹殺高開道

以降三月初定官制戊戌趙郡王孝恭敗輔公祏執之以丹陽平己亥孝恭殺越州都督閻陵夏四月庚子大赦

班新律令初定均田租庸調法謹案通鑑輒覽御

然每丁各給一頃生齒繁衍時地將何出且歲造計給帳子奪紛更徒滋擾耳宜乎法創不久尋即廢格也給

復江州道二年楊越一年五月丙戌作仁智宮於宜君縣六月辛丑如仁智宮壬戌慶州都督楊文幹反秋七

月己巳突厥寇朔州總管秦武通敗之癸酉慶州人殺楊文幹以降甲午至自仁智宮閏月己未秦王世民齊

王元吉屯於幽州以備突厥八月戊辰突厥寇并州己

已吐谷渾寇鄆州驍騎將軍彭武傑死之戊寅突厥寇綏州刺史劉大俱敗之壬辰突厥請和丁酉裴寂使於突厥冬十月丁卯如慶善宮辛未獵於鄆南癸酉幸終南山丙子謁樓觀老子祠庚寅獵於闕川十二月丁卯如龍躍宮戊辰獵於高陵庚午至自高陵太子詹事裴矩檢校侍中

八年春二月癸未慮囚夏四月甲申如鄆獵於甘谷作太和宮丙戌至自鄆六月甲子如太和宮秋七月丙午

至自太和宮丁巳秦王世民屯於蒲州以備突厥按舊

月突厥寇定州命皇太子往幽州秦王往并州以備突厥與柳芳唐歷同新書只言七月秦王屯蒲州則本之

鉅也八月壬申并州行軍總管張瑾及突厥戰於太谷敗績鄆州都督張德政死之執行軍長史溫彥博甲

申任城郡王道宗及突厥戰於靈州敗之丁亥突厥請和冬十月辛巳如周氏陂獵於北原壬午如龍躍宮十

一月辛卯如宜州獵於西原裴矩罷庚子講武於同官天策府司馬宇文士及權檢校侍中辛丑徙封元瑋爲

吳王元慶陳王癸卯秦王世民爲中書令齊王元吉爲侍中癸丑獵於華池北原十二月辛酉至自華池庚辰

獵於鳴犢泉辛巳至自鳴犢泉九年春正月甲寅裴寂爲司空二月庚申齊王元吉爲

司徒三月庚寅幸昆明池習水戰壬辰至自昆明池丙午如周氏陂乙卯至自周氏陂丁巳突厥寇涼州都督

長樂郡王幼良敗之夏四月辛巳廢浮屠老子法六月庚申秦王世民殺皇太子建成齊王元吉韻詩注云全

王世民爲皇太子聽政賜爲父後者襲勳爵免民逋租宿賦庚辰幽州都督廬江王瑒反伏誅癸未赦幽州管內爲瑒所誑誤者秋七月辛卯楊恭仁罷太子右庶子高士廉爲侍中左庶子房玄齡爲中書令蕭瑀爲尙書左僕射癸巳宇文士及爲中書令封德彝爲尙書右僕射八月丙辰突厥請和壬戌吐谷渾請和癸亥詔傳位於皇太子甲子皇太子卽皇帝位貞觀三年太上皇徙居太安宮九年五月崩於垂拱前殿年七十新書作七十一沈炳震曰自周天利元年丙戌至貞觀九年乙未止七十當從舊書諡曰大武廟號高祖陵曰獻陵上元元年改諡神堯皇帝天寶八載諡神堯大聖皇帝十三載增諡神堯大聖大光孝皇帝

高祖武德九年